

Nun trovu cchiù la via

Mi smarrisciu nni li pinzera,
nun trovu cchiù la via,
ombri accarizzu all'imbruniri
cercu a tia, nun sacciu unni jiri.

M'affusca la menti,
la vista, l'uditu.
Nun ti viu cchiù, nè ti sentu,
nun ti penzu e mi nni pentu.

Mi perdu nni li to mani,
nni lu to surrisu, nni lu to cori,
nni li me sentimenti,
sugnu persu, cumpletamenti.

Nun canusciu cchiù
lu to profùmu,
la to vuccuzza,
li to labbruzza.

Nun sacciu cchiù
chi è l'amuri, la vita,
si rècitu, o è rialtà,
si dicu la virità.

Mi perdu nni lu scuru
nni la musica, nni la paura,
nni li dulura, nni la genti,
nun mi mporta cchiù nenti.

Mi scurdavu lu passatu
nun vogliu vùviri lu prisenti
vulissi truvàrimi nni lu futuru,
mani manuzzi cu tia a lu sicuru.

2020 Giuseppe Cardella